




ԵԿԵՂԵՑԱԿԱՆ ԲԵՄ. ԼՈՒՐԵՐ

Օգոստոսի 26—31-ին Հունաստանում, արևմտյան Պելեպոնեսի մեջ, տեղի ունեցավ «Սինտեսմոսի» ուղղափառների երիտասարդական երկրորդ միջազգային փառատոնը: Փառատոնի մասնակիցների հիմնական նյութը Ս. Հաղորդության խորհուրդն էր: Այս տարի առաջին անգամ էր, որ հրավիրվեց Հայ Եկեղեցու ներկայացուցիչը:

Հայ Եկեղեցուց փառատոնին մասնակցում էր Նոր Նախիջևանի և Ռուսաստանի հայոց թեմի առաջնորդական փոխանորդ Ս. Տիրան վրդ. Կյուրեղյանը:

Սեպտեմբերի 1-ին, կիրակի.—Տոն գիւտի գօտւոյ Սրբուհւոյ Աստուածածնի:

Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Ս. Աբել արեղա Օղյուզյանը և «Հայր մեր»-ից առաջ տոնի առթիվ հավուր պատշաճի քարոզ խոսում:

Ս. պատարագին ներկա էր Վեհափառ Հայրապետը:

Սեպտեմբերի 15-ին, կիրակի.—Խաչվերաց:

Այսօր Մայր տաճարում, օրվա մեծ տոնի առթիվ, Ավագ խորանի վրա, հանդիսավոր ս. պատարագ է մատուցում ուխտավորաբար Մայր Աթոռում գտնվող Դամասկոսի հայոց թեմի առաջնորդ և Հունաստանի հայոց հայրապետական պատվիրակ Ս. Ոսկան եպս. Գալփաքյանը:

Ս. պատարագին ներկա էր Վեհափառ Հայրապետը:

Նույն օրը, երեկոյան, կատարվում է «Թափօր խաչվերացի» ավանդական հանդիսությունը:

Սեպտեմբերի 16-ին, երկուշաբթի.—Յիշատակ մեռելոց:

Այսօր Մայր տաճարում, Ավագ խորանի

վրա, ս. պատարագ է մատուցում Ս. Գրիգոր քին. Տերտերյանը:

«Ձկնի սրբոյ պատարագի կատարի հոգե-
հանգիստ վասն համօրէն ննջեցելոց»:

*
* *

Սեպտեմբերի 18-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հավաքույթ:

*
* *

Սեպտեմբերի 20-ին, ուրբաթ.—Այսօր Մայր Աթոռի պաշտօնեությունը հավաքվել էր Վեհարանի ընդունարանում՝ շնորհավորելու Նորին Սրբության ծննդյան 77-րդ տարեդարձը: 77 վարդերի բույրը լցրել էր դահլիճը: Վեհափառ Հայրապետը պայծառ ծայիտով ողջունեց բոլոր ներկաներին: Ապա հանուն Մայր Աթոռի ողջ պաշտօնեության ողջույնի և շնորհավորանքի խոսք ասաց Գերագույն Հոգևոր խորհրդի ատենապետ Ս. Սիրոն արքեպ. Մանուկյանը: Նա Նորին Սրբությանը մաղթեց երկար, արևշատ և բազմաբեղուն կյանք՝ ի փառս Հայաստանյայց Եկեղեցու և հայ ժողովրդի:

Ապա շնորհակալության և օրհնության ջերմ խոսքով հանդես եկավ Վեհափառ Հայրապետը՝ ընդգծելով, որ այն, ինչ ստեղծվել է իբրև իրագործում, ստեղծվել է պաշտօնեության միասնական ջանքերով, և հույս հայտնեց, որ հետ այսու ևս համագործակցաբար կհասնեն նորանոր նվաճումների:

*
* *

Սեպտեմբերի 22-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում ռուստավորաբար Մայր Աթոռում գտնվող Արգենտինայի հայոց թեմի առաջնորդ Ս. Գրիգորիս եպս. Բունիաթյանը: «Հայր մեր»-ից առաջ պատարագիչ սրբապանը քարոզ խոսեց՝ հետևյալ բնաբանով. «Եւ եղիշիք ատեցեալք յամենեցունց վասն անուան իմոյ: Եւ մազ մի ի գլխոյ ձերմէ ոչ կորիցէ: Եւ համբերութեամբ ձերով ստասցիք ւղգիս ձեր» (Ղուկաս ԻԲ 17—18):

Քարոզի ընթացքում սրբապան հայրը ընդգծեց, որ Քրիստոսի անունը հոմանիշ է ճշմարտության, որի համար Նրա հետևորդները կարող են աշխարհում հավածվել: Սակայն նրանց գլխից մազ անգամ չպիտի կորչի, քանի որ տևական հաղթանակի այս խոսքերը բոլոր նրանց համար են, ովքեր

հավատարիմ են գտնվել Քրիստոսի անվանը կամ նրա ճշմարտությանը: Սրբապան հայրը շնորհավորելով նաև Վեհափառ Հայրապետի գահակալության 30-րդ տարեդարձը, Կուգահեռներ անցկացրեց Նորին Սրբության գործունեության և Քրիստոսի կողմից ասված այս գաղափարների միջև՝ որպես այդ ճշմարտության հավատարիմ սպասավոր, դրանով իսկ նպաստելով մեր Եկեղեցու համակողմանի զարգացմանը:

Ս. պատարագին ներկա էր Վեհափառ Հայրապետը:

*
* *

Սեպտեմբերի 28-ին, շաբաթ.—Սրբոցն Գեորգայ քաջամարտիկ զօրավարին, Ադոկտոսի և Ռոմանոսի երգեցողին:

Այսօր Մայր տաճարում կատարվեց կիրակնամուտի հանդիսավոր ժամերգություն, որին ներկա էին Վեհափառ Հայրապետը, Կ. Պոլսո հայոց Պատրիարք Ամենապատիվ Ս. Շնորհք արքեպ. Գալուստյանը, Վրաց Եկեղեցու Պատրիարք-կաթողիկոս Ս. Իլիա Բ-ն իր շքախմբով, ինչպես նաև Հայ Եկեղեցու արտասահմանյան թեմերից մի խումբ քարձրաստիճան հոգևորականներ:

*
* *

Նույն օրը, երեկոյան, Վեհարանի դահլիճում ցուցադրվեցին Հայրապետական ընտրության (1955 թ.) և 1983 թ. մեռնօրինության կինոժապավենները:

*
* *

Հոկտեմբերի 12-ին, շաբաթ.—Սրբոց քարզմանչաց վարդապետացն մերոց՝ Մեսրոպայ, Եղիշէի, Մովսիսի Քերթոզին, Դաւթի Անյաղթ փիլիսոփային, Գրիգորի Նարեկացուն և Ներսիսի Կլայեցուն:

Այսօր Օջականի Ս. Մեսրոպ Մաշտոց Եկեղեցում հանդիսավոր ս. պատարագ է մատուցում Ս. Հայկապուն վրդ. Նաջարյանը:

«Հայր մեր»-ից առաջ հավուր պատշաճի քարոզ է խոսում Արգենտինայի հայոց թեմի առաջնորդ Ս. Գրիգորիս եպս. Բունիաթյանը:

*
* *

Հոկտեմբերի 13-ին, կիրակի.—Այսօր Մայր տաճարում, Ավագ խորանի վրա, իր անդրանիկ ս. պատարագն է մատուցում Ս. Պարզև արքեպ. Մարտիրոսյանը և «Հայր մեր»-ից առաջ քարոզ խոսում «Որք վարդարեցին տնօրինաբար ցիմաստս անեղին.

հաստատելով յերկրի զգիր կենդանի՝ հով-
ւել ըզհօտ Նոր Իսրայելի» բնաբանով:

Ս. պատարագին ներկա էր Վեհափառ
Հայրապետը:

*
* *

Հոկտեմբերի 16-ին, չորեքշաբթի.—Այսօր
Վեհարանում, Վեհափառ Հայրապետի նա-
խագահությամբ, տեղի է ունենում միաբա-
նական հերթական հավաքույթ:

*
* *

Հոկտեմբերի 13—19-ին Ֆրանսիայի Սեթ
քաղաքում տեղի ունեցավ Եվրոպայի Եկե-
ղեցիների երիտասարդաց խորհրդի հերթա-
կան՝ XVII տարեկան ժողովը: Այս հանդիպ-
ման նպատակն էր՝ ամրապնդել և հաստա-
տել յուրաքանչյուր ջրջանայինի դիրքը ժո-
ղովի ղեկավար կապի մեջ:

Ժողովին մասնակցում էր նաև Նոր Նախի-
ջևանի և Ռուսաստանի հայոց թեմի առաջ-
նորդական փոխանորդ Ս. Տիրան վրդ. Կյու-
րեղյանը:

*
* *

Հոկտեմբերի 20-ին, կիրակի.—Այսօր
Մայր տաճարում, Ավագ խորանի վրա, իր
անդրանիկ ս. պատարագն է մատուցում Ս.
Պսակ արքեպ. Կարապետյանը և «Հայր
մեր»-ից առաջ քարոզում «Եւ տեղին այն
լիցի տաճար Աստուծոյ, և տուն աղօթից
խնդրուածոց ամենայն հաւատացելոց, և ա-
թոռ քահանայապետութեան» (Ագաթանգե-
ղոս, «Հայոց պատմութիւն», էջ 420) բնա-
բանով:

*
* *

Նույն օրը իրենց անդրանիկ ս. պատա-
րագները մատուցեցին նորընծաներ Ս. Մաշ-
տոց արքեպ. Խաչիկյանը (Ծղակաճի Ս. Մես-

րոպ Մաշտոց եկեղեցում)՝ «Հանաչել զի-
մաստութիւն և զխրատ, իմանալ զբանս հան-
ճարոյ» (Առակաց Ա 2) բնաբանով, Ս. Զա-
վեն արքեպ. Խաչատրյանը (Ս. Գայանե եկե-
ղեցում)՝ «Գնացէք այսուհետեւ, աշակերտե-
ցէք զամենայն հեթանոսս, մկրտեցէք զնոսս
յանուն Հօր եւ Որդոյ եւ Հոգւոյն Սրբոյ»
(Մատթեոս ԻԸ 19) բնաբանով, Ս. Եկրաս
արքեպ. Ներսիսյանը (Երևանի Ս. Սարգիս
եկեղեցում)՝ «Իւրաքանչիւր յոյ կոչումն կո-
չեցաւ, եղբարք, ի նմին կացցէ, առաջի Աս-
տուծոյ» (Ա Կորնթ. Է 24) բնաբանով:

*
* *

Հոկտեմբերի 23-ին, չորեքշաբթի.—Այսօր
Վեհարանում, Վեհափառ Հայրապետի նա-
խագահությամբ, տեղի է ունենում միաբա-
նական հերթական հավաքույթ:

*
* *

Հոկտեմբերի 27-ին, կիրակի.—Այսօր
Մայր տաճարում, Ավագ խորանի վրա, ս.
պատարագ է մատուցում Ս. Մաշտոց արքե-
պ. Խաչիկյանը և «Հայր մեր»-ից առաջ քա-
րոպ խոսում «Ձի ճառ խաչին կորուսելոցն
հիմարութիւն է այլ փրկելոցս մեզ զօրու-
թիւն Աստուծոյ» (Ա Կորնթ. Ա 17) բնաբա-
նով:

Ս. պատարագին ներկա էր Վեհափառ
Հայրապետը:

*
* *

Հոկտեմբերի 30-ին, չորեքշաբթի.—Այսօր
Վեհարանի հանդիսությունների դահլիճում
ցուցադրվեց կինոռեժիսոր Ս. Փարաջանովի
«Լեզենդ Սուրամիի ամրոցի մասին» կինո-
ժապավենը:

Ֆիլմի ցուցադրմանը ներկա էր Վեհա-
փառ Հայրապետը, ինչպես նաև Մայր Աթո-
ռի միաբանությունն ու ուսանողությունը:

